



Broj: 54-3/2018
Datum: 20.04.2018

Na osnovu člana 60 stav 1. tačka b i tačka o Zakona o visokom obrazovanju Tuzlanskog kantona („Službene novine Tuzlanskog kantona“, broj: 7/16, 10/16, 5/17 i 15/17), a uz prethodno mišljenje Upravnog odbora koje je dato aktom broj: 49-3/2018 od 17.04.2018. godine, Senat Evropskog univerziteta „Kallos“ Tuzla, na sjednici održanoj dana 20.04.2018. godine donosi

ODLUKU

o izmjenama i dopunama Statuta Evropskog univerziteta „Kallos“ Tuzla

Član 1.

U član 7. stav 1 Statuta iza tačke 5. dodaju se sljedeće tačke:

58.11 Izdavanje knjiga

58.13 Izdavanje novina

58.14 Izdavanje časopisa i periodičnih publikacija

58.19 Ostala izdavačka djelatnost

Dosadašnje tačke 6, 7, 8, 9, 10, 11 i 12 postaju tačke 10, 11, 12, 13, 14, 15 i 16.

Član 2.

Mijenja se član 20. Statuta, koji sada glasi:

„Školska godina traje od prvog oktobra tekuće godine do kraja septembra naredne godine.

Nastavna godina traje od prvog oktobra tekuće godine do kraja jula naredne godine.

Godišnja nastava se organizuje u dva semestra: zimskom i ljetnom.

Nastava u zimskom semestru počinje prvog oktobra tekuće godine i traje 15 sedmica kontinuiranih aktivnosti uz dodatne dvije sedmice za završni ispit.

Nastava u ljetnom semestru počinje trećeg ponedjeljka u mjesecu februaru i traje 15 sedmica kontinuiranih aktivnosti uz dodatne dvije sedmice za završni ispit.

Ovjera i upis semestra traju najviše do dvije sedmice, a obavještenje o početku i kraju ovjere i upisa semestra će se objaviti na web-stranici Univerziteta i oglasnoj tabli.

Mjesec septembar je namijenjen za polaganje propuštenih ispita, a u mjesecu avgustu je ljetni raspust u trajanju od 30 dana.

Nastavna godina studija učenja na daljinu nije određena kalendarski s obzirom na specifičnu prirodu ovog studiranja, već je određena metrikom studija koja zadovoljava uslove iz Statuta.

Nastava na drugom i trećem ciklusu studija prilagođena je studentu, a podliježe pravilima studiranja na drugom i trećem ciklusu koje donosi Senat Univerziteta.“

Član 3.

U stavu 3 člana 21. Statuta brišu se riječi „ili integrisane studije prvog i drugog ciklusa“.

U članu 21. Statuta, dodaju se novi stavovi 4, 5 i 6, koji glase:

“Licu koje završi integrisane studije prvog i drugog ciklusa studija na studijskom programu Medicina u trajanju od šest godina sa ostvarenih minimum 360 ECTS bodova, i koje izradi i odbrani završni rad u skladu sa ovim Statutom, izdaje se diploma Univerziteta i to lice stiče zvanje doktor medicine.

Licu koje završi integrisane studije prvog i drugog ciklusa studija na studijskom programu Stomatologija u trajanju od šest godina sa ostvarenih minimum 360 ECTS bodova, i koje izradi i odbrani završni rad u skladu sa ovim Statutom, izdaje se diploma Univerziteta i to lice stiče zvanje doktor stomatologije, odnosno doktor dentalne medicine.

Licu koje završi integrisane studije prvog i drugog ciklusa studija na studijskom programu Farmacija u trajanju od pet godina sa ostvarenih 300 ECTS bodova, i koje izradi i odbrani završni rad u skladu sa ovim Statutom, izdaje se diploma Univerziteta i to lice stiče zvanje magistar farmacije.”

Dosadašnji stavovi 4, 5, 6 i 7 postaju sada stavovi 7, 8, 9 i 10.

Član 4.

Član 22. Statuta mijenja se i sada glasi:

„Kalendar organizacije i realizacije nastavnih programa za školsku godinu utvrđuje Senat Univerziteta.

Kalendar iz stava 1 ovog člana objaviće se na web-stranici Univerziteta najkasnije 30 dana prije početka nove školske godine.

Raspored i satnica održavanja nastave objavljuje se na web-stranici Univerziteta, a po potrebi i na oglasnoj tabli.“

Član 5.

U članu 34. Statuta mijenja se stav 6. koji sada glasi:

„Uspjeh studenta na ispitu ocjenjuje se brojnomo, opisnom ili slovnom ocjenom kako slijedi:

- ocjena 5 (F, FX) – ne zadovoljava minimalne kriterije, manje od 54 boda;
- ocjena 6 (E) – zadovoljava minimalne kriterije, nosi od 54 do 64 boda;
- ocjena 7 (D) – uopšteno dobar, ali sa značajnijim nedostacima, nosi od 65 do 74 boda;
- ocjena 8 (C) – prosječan, sa primjetnim greškama, nosi od 75 do 84 boda;
- ocjena 9 (B) – iznad prosjeka, sa ponekom greškom, nosi od 85 do 94 boda, i
- ocjena 10 (A) – izuzetan uspjeh bez grešaka ili sa neznatnim greškama, nosi od 95 do 100 bodova.

Član 6.

U stavu 1 člana 35. Statuta riječi „tri dana od dana održanog ispita“ zamjenjuju se riječima „24 sata od saopštenja ocjene dobijene na ispitu“, a ispred riječi „Prigovor“ stavlja se riječ „obrazložen“.

Član 7.

U članu 41 stavovi 2 i 3 se mijenjaju, i sada glase:

„Student može prenijeti u narednu godinu studija unutar jednog ciklusa studija najviše 10 ECTS bodova, ili najviše dva nepoložena predmeta, nezavisno od toga koliko zajedno nose

ECTS bodova, pod uslovom da nepoloženi predmeti koji se prenose u narednu godinu nisu preduslovi za slušanje drugih predmeta u narednoj studijskoj godini.

Student koji obnavlja studijsku godinu obavezan je ponovo prisustvovati realizaciji nastave iz predmeta koje nije položio i izmiriti 50% od utvrđene školarine.“

U članu 41 dodaju se novi stavovi 4, 5 i 6, koji glase:

„Student završne godine studija, koji je odslušao i ovjerio posljedni semestar studija, a nije diplomirao, prelazi u status studenta apsolventa, koji traje od prvog oktobra tekuće godine, do 30. septembra naredne godine.

Ukoliko student ne diplomira u roku iz stava 4 ovog člana, preostale obaveze izvršava kao student – imatrikulant, što podrazumijeva vođenje studenta u evidenciji, bez obaveze obnavljanja završne godine studija.

Studenti iz stava 4 i 5 ovog člana imaju pravo na polaganje završnih ispita u svakom kalendarskom mjesecu, osim u periodu održavanja ispitnih termina za redovne studente kada se provjera znanja studenata u statusu apsolventa i imatrikulanta vrši u ispitnim terminima predviđenim za redovne studente.“

Član 8.

U članu 95. Statuta iza tačke f) dodaje se nova tačka:

„ g) Medicinski fakultet.“

Član 9.

Iza člana 103. Statuta dodaje se novi član 103a. Statuta, koji glasi:

„Medicinski fakultet matičan je za:

- a) Medicina, i
- b) Biomedicina i zdravstvo.“

Član 10.

U članu 143. Statuta mijenja se stav 1, koji glasi:

„Univerzitet ima web stranicu: www.eukallos.edu.ba.“

Član 11.

Ova odluka o izmjenama i dopunama Statuta stupa na snagu narednog dana od dana objavljivanja.

PREDSJEDNIK SENATA

Akademik prof. dr. Nedeljko Stanković